

肥鄉縣志卷三十一

仙釋

術流雜霸不道桓文攻戒異端弗爲隱怪老子經傳道德稱柱史於有周佛子像肖金人訪遺文於炎漢黃冠紫府工其術者怪誕支離貝葉曇花衍其波者虛無寂滅恐其惑衆是宜屏之遠方勒爲成書何難芟其遺事假神道以設教其言似信而有徵仍舊貫以傳疑其說姑存而不論

志仙釋

柳仙法名條青扶胥其道號也唐宣宗大中之三年二月花朝降生于肥鄉之東汾杜十一歲遇呂仙于邯鄲道中呂

肥鄉縣志

卷三十一

仙釋

一

目視良久忽叱曰童子何來柳鞠躬曰余不知何來呂微笑曰宿根宿根輒指授法言攜入武夷山中其父疑以爲妖白之於崔觀察柳歸授呂法假暴卒已復遁回武夷及葬塚上嘗有紫氣發視之惟見一青柳杖耳又自言貌髯長身披黃頰衣青表戴笠着蓑棕履世以仙鑑載青柳杖事遂訛爲樟柳之精云

趙得秀號九峰肥鄉彭固村人以其善公輸子技人以魯班呼之無家室恒持一擔自隨嘗遊南武夷得異人傳修真秘訣歸至林慮愛其山水陡絕問其地人曰此彰德趙山場適王有修府之役魯班攜徒與往共其事一樑一

頭角鱗爪玲瓏畢具王大悅卽日拜都匠餽贈盈溢卒

所受王怪問道人何所欲吾願得林慮山中一片石耳王笑而許之山壁立不可上魯班將籐葛之下垂者練爲繩橫以木橙又于頂上樹兩椿以轆轤繫人腰拾級而升牛羊牲畜皆以是取隨置三清殿仰天池飛虹橋房廊場圃各各精巧如法四面干仞人跡罕到不減避世桃源也魯班遂遁跡頤養其中煉藥誦經時以符水驅使鬼神與猿猴共寢處不驚避嘉靖中永年申崧岩備兵磁州問魯班名徵造州南石橋百丈髡勢如半月而不得其斧鑿之痕又于山之西崖絕渡處懸木以通鑿石函函外高揭石板

肥鄉縣志

卷三十一

仙釋

二

丈許年百歲將死前數日語其徒曰我于某日死幸葬我函中速出毋久留及死其徒如言葬之甫出數步而懸石已下周匝嚴密無痕門外嘗見有猿猴守之不去里人張公心齋撰文立石尚存人皆稱爲魯班壑或傳魯班實尸解云

直玘號玉堂肥鄉鄧家庄人儀貌魁岸譜內典杖錫于五臺山之右峰明神宗母后錫以玉印爲潞藩建禪林于潞安府北門外壯麗巍峩甲於山右其弟眞智亦頗有道行牛首山僧逸其名肥鄉瓜精庄人明神宗時廣平縣王公受人爲南部郎于牛首山遇之修眉鶴髮近百歲以外人自

言住靜不出戶者六十年叩其所得寂無一言

象閣字普臺肥之文殊寺僧祖世演釋教獨閣不諳文字而有戒行人指之爲石佛其弟象賢子慈臺參宗演法譯語精深人咸慕之與象閣各分文行之席而賢名爲无著